

疆

邦
藝
圃

白雪遺音目錄

水龍吟 四

西江月 七

望海潮 六

沁園春 二

木蘭花慢 五

百字謠 四

慶春宮 一

水調歌頭 五

醉春風 二

惜餘春慢 二

歸朝歡

浣溪沙 二

蝶戀花

清平樂 十一

玉蝴蝶 二

滿江紅

憶秦娥

千秋歲

望遠行

踏莎行 三

一翦梅
西江月

鷓鴣天

白雪遺音

三山 陳德武

水龍吟 西湖懷古

東南第一名州西湖自古多佳麗臨隄臺榭畫船樓閣
遊人歌吹十里荷花三秋桂子四山晴翠使百年南渡
一時豪傑都忘卻平生志 可惜天旋時異藉何人雪
當年恥登臨形勝感傷今古發揮英氣力士推山天吳
移水作農桑地借錢塘潮汐爲君洗盡岳將軍淚
又十月廿三日阻雨住長樂興寧驛館舍寂甚偶見窗

外小桃花數朶遂成此調以寓意焉

驛樓歲暮蕭條小桃何事迎人笑無言如訴命暌王母

信沈青鳥醫瘦繁霜脂銷零雨夢寒清曉自劉郎去後
天台路隔知孤負春多少今日玉驄來到喜相逢菱
花孤照清幽誰伴黃花告謝芙蓉云老早趁東風移根
換葉脫身池沼卜佳期前度琴心一曲作相思調

又次韻寄別葉尹

花驄柳外頻嘶使君底事拚人去圯橋風月睢陵桃李
幾回良遇我待君來他催君去誰留君住想尊空北海
詩成東閣這都是歡娛處寶月纔圓又缺況人生會
難離易馭風無計縹地無術問天無語指海爲鑪覩山
爲炭盡燒愁緒把一心天地一家南北此身堪寄
又和雪後過瓜洲渡韻

問津楊子江頭滔滔潮汐東流去六朝文物千年陳迹
幾更烏兔天限東南水流今古地分吳楚喜壯遊千里
桑弧蓬矢功名事儒生語翹首石頭城北簇樓臺遠
連芳樹雪銷天氣澄江如練碧峰無數銀瓊春回金山
鐘曉夢閒鷗鷺早歸來盡日風平人靜孤舟橫渡

西江月

漳州丹霞驛

山拱羅城四面柳營橫接江東十年前事影隨風今日
宛如春夢天下幾多郵驛人生到處飄蓬丹霞樓上
再相逢橫笛爲君三弄

又冬至

時序去如流矢人生迹似飛蓬石灣江上又逢冬且喜

一陽初動 但見堪輿杳杳更連山水重重淒涼雲物
雨濛濛惟足睡中歸夢

又題洞簫亭

鳳舞漢陽月麗龍吟漢水雲飛行雲何事駐天涯橫玉
危闌四倚 問岳陽三度後看塵世幾番棋鶴羣何處
未歸來冷落吳頭楚尾

又詠雪

爲問雲閒滕六天工何事依違冬前三白不時爲今日
鴛言春瑞 瘦損窮彭澤柳禁持殺傳巖梅仁風反掌
霽天威都做一江流水

又

壓雪江山亦老迎春草木俱新雪銷春去逐飛輪誰識
靜中機運濁濁壩頭泥土攘攘市上風塵爲何不住
往來人都被利名淘盡

又

有信江頭春色無憑天上浮雲白衣蒼狗又何頻豈是
隨風情性法受三千謫路翻成萬里思親瓜洲中道
不逢人誰寄江南春信

又春暮

時序去如流水功名令似寒灰儘教江庾賦多才一刻
千金難買客裏月圓月缺尊前花落花開春來何處
帶愁來春去此愁何在

望海潮錢塘懷古

瓏山西拱浙江東逝誰餘一箭臨衝鳳舞龍飛地靈人傑當年樹此勳庸強弩萬夫雄令馮夷退舍海若潛鋒擁石城隄百川約東障西東至今人物蕃豐仰功揚山立德潤川容樂極西湖愁多南渡他都是夢魂空感古恨無窮歎表忠無觀古墓誰封棹檣錢塘濁醪和淚洒秋風

又拱日亭

山涯海角天高地厚良安舉首何方萬水朝宗眾星環極平生此志無忘亭上一翱翔見煙收霧斂鳳翥龍驤海色蒼淒金烏拍翅上扶桑遙瞻咫尺清光物無遐

不燭有隱皆彰發
郁心勞之官路遠
篙師又促歸航不
敢久徜徉抱梧桐
綺實葵藿心腸假
我雙翰一朝飛上
五雲鄉

又清明詠懷

三分春色十分官
事令人孤負芳菲
歌燕啼鶯語花舞
柳園林好處誰知
還憶舊遊時對海
棠駐馬紅葉題詩
一別東君回頭又
是隔年期相思遠
在天涯鎮海填恨
臆山鎖愁眉杜宇
能言鷓鴣有淚慢
勞蝴蝶于飛景與
少年宜把榆分新
火香透羅衣風月
常存雙魚報道
又早來歸

南冠一載西流萬里離懷孰不傷情富貴邯鄲雨雲巫
峽回頭一夢空驚誰辱又誰榮問當時道德今日功名
楚水吳山向來多少送和迎長安古道長亭歎馬蹄
不駐車轍難停薇老首陽芝深商谷時遙霧擁雲平此
意已羞評但金緘白雪錦佩青萍采竹崑崙有時吹作
鳳凰鳴

又

祖觴東館移舟南渡江天雲樹離離盤谷漁樵舞雩風
詠渴心常望雲霓知與故人齊念翼殘猶鍛足蹶還羈
百折江流峽猿水鳥助孤悽幾回夢繞山西耐疏篷
夜雨驚枕晨雞對無聲詩哦有聲畫儀形已見端倪回

首暮雲迷又桐飛金井燕落烏衣有意相思雙雙乘羽
莫教遲

又和韻寄別葉睢寧

陵山載酒泗河揚柁尊前折盡將離纔試牛刀俄驚鳧
鳥令人去後多思休唱別離詞看玉函星鐵騎佩銅絲
丹鳳鳴陽碧梧棲爾最高枝等閒展對聲詞對一庭
明月千里邦畿西澗家聲玉堂人物夜窗夢果心期才
思浩無涯若深航濂洛峻駕峨眉胸抱相思銀箏錦字
莫教遲

沁園春舟中夜雨

冬夜如年客枕無眠怎到天明待數殘二十五寒更點

聽餘一百八曉鐘聲雨腳敲篷灘頭激纜總與離人訴
不平徧聞得我浚深恨海砌起愁城問君何事牽縈
想最苦人閒是別情念千山萬水沈魚阻雁一身兩地
燭燕煎驚繡枕痕多錦衾香冷有意巫山夢不成怎撇
下相思兩字萬里虛名

又送春

飛雨一番杜宇數聲東君又回對花垂粉淚舟移洛浦
柳眉顰黛馬走章臺南架海棠北窗紅葉都是當年手
自栽傷離別想今朝去也明日重來軒車且莫相催
待細把衷腸訴此懷這畫闌六曲懶和月倚朱簾十二
不與風開青杏園林朱櫻酪酒爭似和羹雪後梅那時

節好都將心事分付多才

木蘭花慢

寄桂林通判葉夷仲

自淮陽別後一回首又窮年歎蓬逐旋飆葉隨流水星
散維垣南來忽聞歸興豈蒼天故意要儲賢雲慢凌司
馬賦風偏動季鷹船梅窗夜月見修妍駿轡憶錢連
命畫槩溪流籃輿山郭囊錦詩篇休辭歲寒遠道對松
篁莫慰寂寥邊塵榻誰爲我下酒杯惟待君傳

又再疊前韻

對江雲日暮又那更夜如年見霜滿晴空山銜星斗月
掛城垣知心故人閒阻幾何時尊酒會多賢冷落巴山
夜雨淒涼剡水寒船孱容羞覩鏡中妍遠水與天連

怪夢有餘甜酒無好味詩不成篇刀圭解生毛羽向晨
風飛傍彩雲邊報道東君到也一枝春信先傳

又三疊前韻

一春看又盡問何日是歸年望五嶺重關九嶷疊翠滿
目藩垣蒼梧幾時檣棹許論文高議仰英賢夜立殘花
影月朝盼盡柳陰船天台山水世閒妍天姥赤城連
好收拾蘭莊白雲深處詠卜居篇重尋舊遊鶯燕恐無
心待雁夕陽邊聲迹今猶密邇鸞牋莫厭頻傳

又思情

自東君別後對花柳愈無聊但旅寓年年夢添夜夜
減朝朝應憐此情恰似梅天風雨正瀟瀟墜玉有誰

暖眼帶圍漫自鬆腰
深沈庭院好香燒
水遠玉人遙
念信阻鸞牋調空綠綺
字滿鮫綃東君也知人意幾黃
昏天際送蘭橈錦荔堂前載酒梧桐月下吹簫
又春遊

值昇平海宇又春色與俱還向楊柳樓臺海棠庭院紅
藥闌干可人好風良月都□□收拾錦囊閒心事已超
塵外天公分付人間世途陸海擁波瀾回首夢中看
想酒醒羅浮雲空巫峽飯熟邯鄲從茲破琴煮鶴□猗
蘭不用對人彈粗足少游衣食何妨司馬江山
百字謠詠惜花春起早

惜花心事不由人
蝴蝶夢魂先覺剛
納繡鞦行掠鬢仰

見斗橫林杪。昨日深紅。今朝輕白。顏色殊昏。曉此中滋味。料他塵世知少。問二十四番風寒。梅并絳口。始終俱好。須看未開開。又謝多少。落英顛倒。綵綴隋園。鹿遊唐苑。哀樂無憑。禱此音誰寄。凭闌猶把琴抱。

又詠愛月夜眠遲

古今明月魄。生明後。積漸圓還缺。秋解傷神。春最好。衾枕幾番鋪設。十二瑤臺。千金一刻。橫竹休吹。徹繡簾高揭。戒他莫把燈熱。夜久誰共。嬋娟掩孤幃。睡去此情尤切。夢駕彩鸞。何處覓飛上玉樓。瓊闕舞按霓裳。歌揚紅豆。高處風光別。鳥聲驚覺。衝冠怒豎吾髮。

又詠掬水月在手